



ফাইন্যান্সিয়াল ইনক্লুশন ডিপার্টমেন্ট
বাংলাদেশ ব্যাংক

আর্থিক অন্তর্ভুক্তির আওতায় খোলা বিশেষ সুবিধায়ুক্ত হিসাবসমূহের ত্রৈমাসিক অগ্রগতি প্রতিবেদন

১০ টাকা, ৫০ টাকা ও ১০০ টাকায় খোলা ব্যাংক হিসাব, স্কুল ব্যাংকিং
হিসাব এবং পথশিশু ও কর্মজীবী শিশু/কিশোরদের ব্যাংক হিসাব

জুন, ২০১৮

আর্থিক অন্তর্ভুক্তির আওতায় খোলা বিশেষ সুবিধায়ুক্ত হিসাবসমূহের ত্রৈমাসিক অগ্রগতি প্রতিবেদন।

অন্তর্ভুক্তিমূলক প্রবৃদ্ধি অর্জনের লক্ষ্যে সরকারের সকল উন্নয়ন পরিকল্পনার সাথে সামঞ্জস্য রেখে সমাজের সর্বস্তরে আর্থিক অন্তর্ভুক্তিকরণ নিশ্চিত করার জন্য ইতোমধ্যেই বাংলাদেশ ব্যাংক নানাবিধ পদক্ষেপ গ্রহণ করেছে। এরই অংশ হিসেবে কৃষকের হিসাবসহ সরকারের বিভিন্ন সামাজিক নিরাপত্তা কর্মসূচির অর্থ বিতরণ, মুক্তিযোদ্ধাদের জন্য বিশেষ হিসাব, ক্ষুদ্র জীবন বীমা গ্রহীতা, পথশিশু ও কর্মজীবী শিশু-কিশোর ও স্কুলের ছাত্র-ছাত্রীদের জন্য ব্যাংক হিসাব খুলতে রাষ্ট্রীয় মালিকানাধীন ও বিশেষায়িত ব্যাংকগুলোকে নির্দেশনা প্রদান করা হয়েছে। এছাড়াও সামাজিক নিরাপত্তা কর্মসূচির ভাতাভোগী, মুক্তিযোদ্ধা, অতি-দরিদ্র মহিলা উপকারভোগী, পোশাকশিল্পে কর্মরত শ্রমিক, সিটি কর্পোরেশনের পরিচ্ছন্নতা কর্মী, পাদুকা ও চামড়াজাত পণ্য প্রস্তুতকারী ক্ষুদ্র কারখানার কারিগর, প্রতিবন্ধী, পূর্বতন ছিটমহলবাসীসহ সমাজের বিভিন্ন পর্যায়ের প্রান্তিক জনগোষ্ঠী, আইলা দুর্গত ব্যক্তি, দৃষ্টি প্রতিবন্ধীসহ সমাজের সুবিধা বঞ্চিত এবং আর্থিক সেবা বহির্ভূত সকল জনগোষ্ঠীকে ১০ টাকা, ৫০ টাকা এবং ১০০ টাকা জমাকরণের মাধ্যমে তফসিলি ব্যাংকসমূহের সহযোগিতায় ব্যাংক হিসাব খোলার বিশেষ কার্যক্রম গ্রহণ করা হয়েছে। গ্রামাঞ্চলে শাখা খুলতে তফসিলি ব্যাংকগুলোকে নির্দেশনা প্রদান, কৃষি ও এসএমই খাতে সহজ শর্তে ঋণ সুদে ঋণের যোগান নিশ্চিতকরণ, প্রত্যন্ত অঞ্চলে ব্যাংকিং সুবিধা প্রদানের জন্য এজেন্ট ব্যাংকিং ও মোবাইল ব্যাংকিং ব্যবস্থা চালু- এ সকল কার্যক্রম দেশের প্রান্তিক জনগোষ্ঠীর আর্থিক অন্তর্ভুক্তি নিশ্চিতকরণে উল্লেখযোগ্য ভূমিকা রাখছে।

আর্থিক অন্তর্ভুক্তি কার্যক্রমের অংশ হিসেবে মাত্র ১০ টাকায় কৃষকের হিসাব খুলতে বাংলাদেশ ব্যাংক সর্বপ্রথম ২০১০ সালের ১৭ জানুয়ারি তফসিলি ব্যাংকসমূহকে নির্দেশনা প্রদান করে। বর্তমানে সরকারের দেয়া ভর্তুকি জমা ছাড়াও স্বাভাবিক ব্যাংকিং কার্যক্রমে দশ টাকায় খোলা কৃষকের হিসাবের মাধ্যমে কৃষি ঋণ বিতরণ করা হচ্ছে। বিশেষ সুবিধায়ুক্ত এসব হিসাবে সাধারণ ব্যাংক হিসাবের মতো অভ্যন্তরীণ ও দেশের বাইরের রেমিট্যান্স পাঠানো ও অর্থ স্থানান্তরের সুযোগ রয়েছে। এ সকল হিসাবে ন্যূনতম স্থিতি রাখার কোনো বাধ্যবাধকতা নেই এবং গ্রাহক পর্যায়ে ব্যাংককে কোন চার্জ/ফি প্রদান করতে হয় না। আর্থিক সেবাবঞ্চিত এসব তৃণমূল জনগোষ্ঠীকে প্রাতিষ্ঠানিক আর্থিক সেবাবুক্তির আওতায় নিয়ে আসার লক্ষ্যে ১০ টাকার হিসাবধারী ক্ষুদ্র/প্রান্তিক/ভূমিহীন কৃষকসহ প্রাকৃতিক দুর্যোগে ক্ষতিগ্রস্ত নিম্ন আয়ের পেশাজীবী এবং প্রান্তিক/ ক্ষুদ্র ব্যবসায়ীদের আয় উৎসারী কর্মকাণ্ডকে বিস্তৃত করা এবং হিসাবসমূহ সচল রাখার মাধ্যমে গ্রামীণ অর্থনৈতিক কর্মকাণ্ডকে অধিকতর গতিশীল করার উদ্দেশ্যে তাদেরকে সহজতর শর্তে ঋণ প্রদানের জন্য বাংলাদেশ ব্যাংকের নিজস্ব উৎস থেকে ২০০ কোটি টাকার একটি আবর্তনশীল পুনঃঅর্থায়ন তহবিল গঠন করা হয়েছে। এ তহবিলের আওতায় ব্যাংকগুলো সরাসরি এবং এমএফআই লিংকজের মাধ্যমে ঋণ বিতরণ করতে পারবে। উক্ত তহবিল হতে একজন গ্রাহক এককভাবে সর্বোচ্চ ৫০ হাজার এবং দলগতভাবে ৫ লক্ষ টাকা ঋণ গ্রহণ করতে পারে। গ্রাহক পর্যায়ে এ ঋণের সর্বোচ্চ সুদ হার ৯.৫% যা ক্রমহ্রাসমান স্থিতির ভিত্তিতে নির্ধারিত হয়।

দেশের আর্থিক অন্তর্ভুক্তির সামগ্রিক চিত্র পর্যালোচনা করা এবং ব্যাংকগুলো কর্তৃক প্রেরিত বিবরণীতে অভিন্নতা বজায় রাখা, নির্ভুল তথ্য প্রাপ্তি নিশ্চিত করার লক্ষ্যে ০৯ এপ্রিল ২০১৫ তারিখে জারিকৃত জিবিসিএসআরডি সার্কুলার নং-৩ অনুযায়ী সংযোজিত ফরমে আর্থিক অন্তর্ভুক্তি কার্যক্রমের আওতায় খোলা ব্যাংক হিসাবের বিবরণীসমূহ সমন্বিত আকারে “আর্থিক অন্তর্ভুক্তি কার্যক্রমের আওতায় ১০, ৫০ ও ১০০ টাকার ব্যাংক হিসাবের অগ্রগতি বিবরণী” শিরোনামে ত্রৈমাসিক ভিত্তিতে অত্র বিভাগে প্রেরণের জন্য ব্যাংকগুলোকে নির্দেশনা প্রদান করা হয়। পরবর্তীতে ০৪ নভেম্বর ২০১৫ তারিখে এফআইডি সার্কুলার নং-০২ এর মাধ্যমে স্কুল ব্যাংকিং হিসাবের বিশদ তথ্য সংগ্রহে অপর একটি ফরম্যাট চালু করা হয়। উক্ত সার্কুলারসমূহের নির্দেশনানুযায়ী তফসিলি ব্যাংকসমূহ তাদের আর্থিক অন্তর্ভুক্তি কার্যক্রমের বিবরণ নির্ধারিত ফরম্যাটে ত্রৈমাসিক ভিত্তিতে বিভাগে প্রেরণ করে আসছে। তৎপ্রেক্ষিতে ব্যাংকসমূহ কর্তৃক প্রেরিত তথ্যের আলোকে ৩০ জুন, ২০১৮ ভিত্তিক বিভিন্ন শ্রেণীর হিসাবসমূহের হালনাগাদ তথ্য পর্যায়ক্রমে তুলে ধরা হলো।

১০ টাকা, ৫০ টাকা ও ১০০ টাকার হিসাবের তথ্য:

আর্থিক অন্তর্ভুক্তি কর্মসূচির আওতায় ব্যাংকসমূহে ৩০ জুন, ২০১৮ তারিখ পর্যন্ত বাংলাদেশে কার্যরত সকল তফসিলি ব্যাংক কর্তৃক বিভিন্ন খাতে সর্বমোট ১৭,৮৮১,১১৮টি বিশেষ সুবিধায়ুক্ত ব্যাংক হিসাব খোলা হয়েছে যার বিস্তারিত বিবরণ নিম্নে উপস্থাপিত হলোঃ-

(কোটি টাকায়)


ক্রমিক নং	হিসাব খোলার খাত	হিসাবের বিস্তারিত তথ্যাদি		সরকারি ভর্তুকী/ বেতন জমার কাজে ব্যবহৃত হিসাব		১০ টাকার হিসাবে বাংলাদেশ ব্যাংকের নিজস্ব তহবিল হতে ২০০ কোটি টাকার পুন: অর্থায়নকৃত ঋণ/ অন্যান্য ঋণ		বৈদেশিক রেমিটেন্স জমা	
		খাতওয়ারি মোট পুঞ্জীভূত হিসাব সংখ্যা	পুঞ্জীভূত জমার মোট পরিমাণ	হিসাব সংখ্যা	পুঞ্জীভূত জমার মোট পরিমাণ	হিসাব সংখ্যা	ঋণ বিতরণের পরিমাণ	হিসাব সংখ্যা	রেমিটেন্সের পরিমাণ
১	কৃষক	৯,৩১৭,৫৫৭	২৯৬.৫৬	১,৯৯৩,৫৯৮	৫২.৬৪	৩৭,১০৩	৮১.৫২	১৯,৯১০	৭০.৯৫
২	অতি দরিদ্রদের জন্য কর্মসংস্থান কর্মসূচি	২,৪৮৩,৮৩২	২৮২.৫৬	৭৭৬,৮৩১	১৯৮.২৪	৩,৪১৫	১৪.৭২	১,৮৪০	২.৫৫
৩	মুক্তিযোদ্ধা	২০১,২৫০	২১১.৮০	৯৫,৭১৮	৯০.২০	৮,২৪২	১৬৩.৬৭	২১৩	১.০৪
৪	সামাজিক নিরাপত্তা কর্মসূচীর আওতায় ভাতাভোগী	৪,৭০০,৪৬৬	৫১৬.৮৭	১,৫৭১,৫০০	২৪১.৭৩	৯৩১	০.৫৮	২,৫৪৪	১.৬৩
৫	ফুড ও লাইভলিহুড সিকিউরিটি প্রকল্প	৯০,০৪৮	৫.৪১	১১,৫১২	০.০৮	২৭	০.০৯	১৬	০.০৩
৬	ধর্ম বিষয়ক মন্ত্রণালয় হতে দুঃস্থ পুনর্বাসনের লক্ষ্যে অনুদানের উপকারভোগী	১,৪২২	০.০২	২১০	০.০১	০	০	৩৯	০
৭	সিটি কর্পোরেশনের পরিচ্ছন্ন শ্রমিক	৯,৭৪২	০.৭০	৫	০	০	০	০	০.০০
৮	তৈরী পোশাক শিল্পে কর্মরত শ্রমিক	২৭৪,৭৫৬	১২৭.৫৯	২১,৫৭৫	০.২৫	২২	০.০৩	৯৬	০.২২
৯	এলএসবিপিসি প্রকল্পভুক্ত কারিগর	৪,২০৫	২.২১	৫৪	০.০০০০১৯	০	০	০	০
১০	ন্যাশনাল সার্ভিস কর্মসূচীর সুবিধাভোগী	৪০,০৩৫	৯৪.৪০	১৩,১৮৫	৮২.৫৩	০	০	০	০
১১	ক্ষুদ্র জীবন বীমা পলিসি গ্রহীতা	১১১,৫১৪	১৫.৫৪	৪,৩৫৮	১.২৫	০	০	৪৪১	১.৬৪
১২	দৃষ্টি প্রতিবন্ধীসহ সকল প্রতিবন্ধী ব্যক্তিদের জন্য ব্যাংকিং সেবা	১৮২,৬৯৪	২০.১৭	৯১,১৩৮	৪.৮০	০	০	৩৮	০.০৩
১৩	অন্যান্য	৪৬৩,৫৯৭	৩৫.৭২	৮৫,১৬৭	৯.৫১	২২২৫	৯.৮০	১	০
সর্বমোট		১৭,৮৮১,১১৮	১,৬০৯.৫৫	৪,৬৫৪,৮৫১	৬৮১.২৪	৫১,৯৬৫	২৭০.৪১	২৫,১৩৮	৭৮.২৩

ছক-১: ১০ টাকা, ৫০ টাকা ও ১০০ টাকায় ৩০ জুন, ২০১৮ তারিখ পর্যন্ত বিভিন্ন খাতে খোলা ব্যাংক হিসাবের তথ্য।

- ৩০ জুন, ২০১৮ তারিখ পর্যন্ত বিভিন্ন ব্যাংকে কৃষকের হিসাবসহ ১০ টাকা, ৫০ টাকা ও ১০০ টাকায় খোলা বিভিন্ন খাতওয়ারি ব্যাংক হিসাবের তুলনামূলক তথ্য চিত্র।

খাতের নাম	পুঞ্জীভূত হিসাব সংখ্যা
কৃষক	৯,৩১৭,৫৫৭
সামাজিক নিরাপত্তা কর্মসূচী	৪,৭০০,৪৬৬
অতি দরিদ্রদের জন্য কর্মসংস্থান কর্মসূচী	২,৪৮৩,৮৩২
মুক্তিযোদ্ধা	২০১,২৫০
অন্যান্য	১,১৭৮,০১৩
মোট	১৭,৮৮১,১১৮

ছক-২ : বিশেষসুবিধায়ুক্ত হিসাবসমূহের মূল খাতসমূহের তথ্য




চিত্র-১ : বিশেষ সুবিধায়ুক্ত হিসাবসমূহের মূলখাতসমূহের তুলনামূলক চিত্র

কৃষকদের ১০ (দশ) টাকার হিসাব

ছক-১ এর তথ্য অনুযায়ী, আর্থিক অন্তর্ভুক্তি কর্মসূচিতে ব্যাংক হিসাব খোলা কার্যক্রমের সবচেয়ে গুরুত্বপূর্ণ অংশ হচ্ছে কৃষকদের অন্তর্ভুক্তি। ৩০ জুন, ২০১৮ তারিখ পর্যন্ত বিভিন্ন খাতে খোলা বিশেষ হিসাবসমূহের মধ্যে মোট ৫২% হিসাব কৃষকদের। এসব হিসাবে মোট পুঞ্জীভূত জমার পরিমাণ ২৯৬.৫৬ কোটি টাকা। কৃষি কর্মকাণ্ডে সরকারি সহায়তার অংশ হিসেবে সরকার প্রদত্ত বিভিন্ন ভর্তুকী প্রদানসহ অন্যান্য ব্যাংকিং সেবা প্রদানের উদ্দেশ্যে কৃষকদের হিসাব খোলা হয়। সরকারি ভর্তুকী প্রাপ্ত এমন হিসাব সংখ্যা ১,৯৯৩,৫৯৮টি এবং এসব হিসাবে জমার পরিমাণ ৫২.৬৪ কোটি টাকা। অন্যদিকে, ১০ টাকার কৃষকের হিসাবের মধ্যে ৩৭,১০৩টি হিসাবের মাধ্যমে উপকারভোগীদের মাঝে বাংলাদেশ ব্যাংকের নিজস্ব ২০০ কোটি টাকার তহবিল হতে পুনঃঅর্থায়নকৃত ঋণ/অন্যান্য ঋণ বিতরণ করা হয়েছে যার পরিমাণ ৮১.৫২ কোটি টাকা।

জুন, ২০১৭ হতে জুন, ২০১৮ পর্যন্ত পাঁচ ত্রৈমাসিকে কৃষকের হিসাবের তুলনামূলক তথ্য নিম্নরূপ:

ত্রৈমাসিক	পুঞ্জীভূত হিসাব
জুন, ২০১৭	৯১,৯০,০৬৪
সেপ্টেম্বর, ২০১৭	৯১,৯১,৭৮৮
ডিসেম্বর, ২০১৭	৯২,৩৭,৯৯০
মার্চ, ২০১৮	৯২,২২,৫৬০
জুন, ২০১৮	৯৩,১৭,৫৫৭



ছক-৩ : ত্রৈমাসিক ভিত্তিতে কৃষকের ব্যাংক হিসাবের অগ্রগতির সংখ্যা

চিত্র-২ : কৃষকের ব্যাংক হিসাবের ত্রৈমাসিক অগ্রগতির চিত্র

কৃষকদের ১০ টাকায় খোলা হিসাব কার্যক্রমে ৩০ জুন ২০১৭ তারিখ পর্যন্ত মোট পুঞ্জীভূত হিসাব সংখ্যা ছিল প্রায় ৯১.৯০ লক্ষ এবং ৩০ জুন ২০১৮ পর্যন্ত কৃষকের ১০ টাকার হিসাবের সংখ্যা প্রায় ৯৩.১৭ লক্ষ। অর্থাৎ একবছরে কৃষকের হিসাব সংখ্যা বৃদ্ধি পেয়েছে প্রায় ১.২৭ লক্ষ। এক বছরে বৃদ্ধির হার ১.৩৮%। বিগত ত্রৈমাসিকের তুলনায় চলতি ত্রৈমাসিকে হিসাব সংখ্যা বৃদ্ধি পেয়েছে ১.০৩%।


ফাইন্যান্সিয়াল ইনক্লুশন ডিপার্টমেন্ট

১০ (দশ) টাকার কৃষকের হিসাব ব্যতীত অন্যান্য হিসাব

আর্থিক অন্তর্ভুক্তি কর্মসূচির আওতায় কৃষকের খোলা ব্যাংক হিসাব ব্যতীত অন্যান্য বিভিন্ন শ্রেণির হিসাব সংখ্যা মোট হিসাবের ৪৮%। সরকারি বিভিন্ন কর্মসূচির আওতায় বিভিন্ন ভাতা ও বেতন প্রদান ছাড়াও আর্থিক সেবার আওতা বৃদ্ধির জন্য এ সকল হিসাব খোলা হয়েছে। ৩০ জুন, ২০১৮ পর্যন্ত কৃষকের হিসাব ব্যতীত অন্যান্য বিভিন্ন খাতে খোলা মোট পুঞ্জীভূত হিসাব সংখ্যা ৮,৫৬৩,৫৬১। এর মধ্যে সরকারি মালিকানাধীন বাণিজ্যিক (০৬টি) ও বিশেষায়িত (০২টি) মোট ৮টি ব্যাংকে ৩০ জুন ২০১৮ পর্যন্ত কৃষকের হিসাব ব্যতীত অন্যান্য বিভিন্ন খাতে সর্বমোট ৮,২৪৬,৫৭০টি ব্যাংক হিসাব খোলা হয়েছে যার বিস্তারিত বিবরণ নিম্নে উপস্থাপিত হলো:

কৃষকের হিসাব ব্যতীত মোট পুঞ্জীভূত হিসাব সংখ্যা (৩০ জুন, ২০১৮ তারিখ পর্যন্ত)					
ব্যাংকের নাম	সামাজিক নিরাপত্তা কর্মসূচির আওতায় ভাতাভোগী	অতি দরিদ্রদের জন্য কর্মসংস্থান কর্মসূচি	মুক্তিযোদ্ধা	অন্যান্য ১০/- টাকার হিসাব	মোট
সোনালী ব্যাংক লি.	২,২৪৮,৩০৮	৬২৪,০৬২	১৮৩,৪২৪	৩৪০,৪২১	৩,৩৯৬,২১৫
অগ্রণী ব্যাংক লি.	৭৬৩,৯০১	৪৫৯,১৯৯	৭,৯৪০	৩৬৫,৬০০	১,৫৯৬,৬৪০
জনতা ব্যাংক লি.	৭৭২,১৭০	৩৩৪,৪৮০	১,৫৭৮	৫৪,০৫৫	১,১৬২,২৮৩
রূপালী ব্যাংক লি.	৩,৩১৫	১৮৮,৫৫৯	২,৪৩৪	২৩,১৫৭	২১৭,৪৬৫
বাংলাদেশ ডেভেলপমেন্ট ব্যাংক লি.	৫৩০	২৭৯	১	১,২৭৬	২,০৮৬
বেসিক ব্যাংক লি.	-	৫	৮২	৪,৮৮৫	৪,৯৭২
বাংলাদেশ কৃষি ব্যাংক	৫৭৬,৬৪২	৪৯৮,০৬৯	২,৮৩৪	৪৭,৮৭৯	১,১২৫,৪২৪
রাজশাহী কৃষি উন্নয়ন ব্যাংক	৩৩৪,৭৬৭	৩৫৮,৯৪৪	২০৫	৪৭,৫৬৯	৭৪১,৪৮৫
মোট	৪,৬৯৯,৬৩৩	২,৪৬৩,৫৯৭	১৯৮,৪৯৮	৮৮৪,৮৪২	৮,২৪৬,৫৭০

ছক-৪: কৃষকের হিসাব ব্যতীত অন্যান্য বিভিন্ন খাতে জুন ২০১৮ ত্রৈমাসিকে ০৮টি ব্যাংকে খোলা মোট ব্যাংক হিসাব।



চিত্র: ৩- কৃষকের হিসাব ব্যতীত অন্যান্য বিভিন্ন খাতে জুন ২০১৮ ত্রৈমাসিকে ০৮টি ব্যাংকে খোলা মোট ব্যাংক হিসাব।


ছক-৪ এর তথ্য অনুসারে সরকারি মালিকানাধীন বাণিজ্যিক ও বিশেষায়িত উক্ত ৮টি ব্যাংকের মধ্যে ২০১৮ সালের জুন মাস পর্যন্ত ১০ টাকা (কৃষকের হিসাব ব্যতীত), ৫০ টাকা ও ১০০ টাকায় খোলা মোট পুঞ্জীভূত হিসাবের ক্ষেত্রে শীর্ষে রয়েছে সোনালী ব্যাংক লি. (৩,৩৯৬,২১৫ টি হিসাব)। এছাড়া উক্ত ব্যাংকে সামাজিক নিরাপত্তা কর্মসূচির আওতায় ভাতাভোগী হিসাব খাতে সর্বোচ্চ ২,২৪৮,৩০৮ টি হিসাব খোলা হয়েছে। আলোচ্য ত্রৈমাসিকান্তে অগ্রণী ব্যাংক লি. কৃষকের ১০ টাকার হিসাব ব্যতীত ১০,৫০ ও ১০০ টাকায় মোট ১,৫৯৬,৬৪০ হিসাব খুলে দ্বিতীয় অবস্থানে রয়েছে। উল্লেখ্য, বাংলাদেশ ডেভেলপমেন্ট ব্যাংক লি. এবং বেসিক ব্যাংক লি. এর হিসাব সংখ্যা এই ৮টি ব্যাংকের মধ্যে সর্বনিম্ন।

ফাইন্যান্সিয়াল ইনক্লুশন ডিপার্টমেন্ট

সরকারি মালিকানাধীন বাণিজ্যিক ও বিশেষায়িত ব্যাংকসমূহে তিন ত্রৈমাসিকে কৃষকের হিসাব ব্যতীত অন্যান্য হিসাবের তুলনামূলক তথ্য নিম্নরূপ :

ব্যাংকের নাম	ডিসেম্বর, ২০১৭ পর্যন্ত মোট পুঞ্জীভূত হিসাব সংখ্যা	মার্চ, ২০১৮ পর্যন্ত মোট পুঞ্জীভূত হিসাব সংখ্যা	জুন, ২০১৮ পর্যন্ত মোট পুঞ্জীভূত হিসাব সংখ্যা
সোনালী ব্যাংক লি.	৩,১৬৮,৪৫২.০০	৩,৩৩১,৬৯৯.০০	৩,৩৯৬,২১৫
জনতা ব্যাংক লি.	১,১৪৯,৫২৮.০০	১,১৫৫,৮৯৮.০০	১,১৬২,২৮৩
অগ্রণী ব্যাংক লি.	১,৫৮৯,৯৯৫.০০	১,৫৯৯,৫৭০.০০	১,৫৯৬,৬৪০
রূপালী ব্যাংক লি.	২০০,০৮৬.০০	২২৩,৫২৫.০০	২১৭,৪৬৫
বিডিবিএল	২,৩৮৮.০০	১,৭২৫.০০	২,০৮৬
বেসিক ব্যাংক লি.	২,৭৪০.০০	২,৮২৮.০০	৪,৯৭২
বাংলাদেশ কৃষি ব্যাংক	১,০৫৭,০৫৮.০০	১,০৫৯,৩২৮.০০	১,১২৫,৪২৪
রাজশাহী কৃষি উন্নয়ন ব্যাংক	৭০১,৩৩৩.০০	৭৪১,৪৮৫.০০	৭৪১,৪৮৫
মোট	৭,৮৭১,৫৮০	৮,১১৬,০৫৮	৮,২৪৬,৫৭০

ছক- ৫: ১০ টাকায় খোলা কৃষকের হিসাব ব্যতীত অন্যান্য হিসাবের তিন ত্রৈমাসিকের তথ্য।



চিত্র: ৪- ডিসেম্বর ২০১৭, মার্চ, ২০১৮ ও জুন, ২০১৮ ত্রৈমাসিকে কৃষকের হিসাব ব্যতীত অন্যান্য বিশেষ সুবিধায়ুক্ত হিসাব খোলায় রাষ্ট্রীয় মালিকানাধীন ব্যাংক ও বিশেষায়িত ব্যাংকসমূহের তুলনামূলক চিত্র।

হিসাবের নাম	ডিসেম্বর, ২০১৭ পর্যন্ত মোট পুঞ্জীভূত হিসাব সংখ্যা	মার্চ, ২০১৮ পর্যন্ত মোট পুঞ্জীভূত হিসাব সংখ্যা	জুন, ২০১৮ পর্যন্ত মোট পুঞ্জীভূত হিসাব সংখ্যা
কৃষক	৯,২৩৭,৯৯০	৯,২২২,৫৬০	৯,৩১৭,৫৫৭
সামাজিক নিরাপত্তা কর্মসূচির আওতায় ভাতাভোগী	৪,৫৮৩,৮৫৬	৪,৬২৭,৯৩৬	৪,৭০০,৪৬৬
মুক্তিযোদ্ধা	২০৩,১১৪	২০১,৬৪৩	২০১,২৫০
অন্যান্য হিসাব	৩,৪০৮,২৫৭	৩,৫৮৩,৪৪৪	৩,৬৬১,৮৪৫
মোট	১৭,৪৩৩,২১৭	১৭,৬৩৫,৫৮৩	১৭,৮৮১,১১৮

ছক-৬: ব্যাংকসমূহে কৃষকের ১০ টাকার হিসাবসহ খোলা অন্যান্য ১০, ৫০ ও ১০০ টাকার হিসাবের ত্রৈমাসিক অগ্রগতির তুলনামূলক তথ্য।

সার্বিক পর্যালোচনা:

বাংলাদেশ ব্যাংক হতে ০৯ এপ্রিল ২০১৫ তারিখে জারিকৃত জিবিসিএসআরডি সার্কুলার নং-৩ মোতাবেক ব্যাংকসমূহ হতে ৩০ জুন, ২০১৮ পর্যন্ত প্রাপ্ত তথ্য অনুযায়ী বিশেষভাবে উল্লেখযোগ্য বিষয়সমূহ নিম্নরূপ:

- জুন, ২০১৮ পর্যন্ত বাংলাদেশে কার্যরত সকল তফসিলি ব্যাংকসমূহে আর্থিক অন্তর্ভুক্তি খাতে মোট পুঞ্জীভূত হিসাব খোলা হয়েছে ১৭,৮৮১,১১৮ টি। এর মধ্যে কৃষকের খোলা হিসাব সংখ্যা ৯,৩১৭,৫৫৭টি।
- হিসাবগুলোতে জমার পরিমাণ মোট ১,৬০৯.৫৫ কোটি টাকা।
- মোট পুঞ্জীভূত হিসাবের ৫২% কৃষকের হিসাব যা খাতওয়ারি হিসাব সংখ্যার মধ্যে সর্বোচ্চ। সামাজিক নিরাপত্তা কর্মসূচির আওতায় ভাতাভোগীর হিসাব ২৬% এবং অন্যান্য সকল ১০, ৫০ ও ১০০ টাকায় খোলা হিসাব ২২%।
- সরকারি সহায়তার অংশ হিসেবে এবং দরিদ্র জনগোষ্ঠীর ব্যাংকিং সেবা প্রদানের উদ্দেশ্যে সরকার কর্তৃক বিভিন্ন প্রকল্প ভিত্তিক কর্মকাণ্ডে ভর্তুকী/অর্থ সহায়তা প্রদান করা হচ্ছে। সরকারি এসব ভর্তুকী/অর্থসহায়তা প্রাপ্ত হিসাবের মোট সংখ্যা ৪,৬৫৪,৮৫১টি এবং এসব হিসাবে জমার মোট পরিমাণ ৬৮১.২৪ কোটি টাকা।
- ১০ টাকার হিসাবসমূহের মধ্যে ৫১,৯৬৫ টি হিসাবে বিভিন্ন খাতে উক্ত হিসাবধারীদের অনুকূলে ঋণ বিতরণ করা হয়েছে। এর মধ্যে বাংলাদেশ ব্যাংকের নিজস্ব তহবিল হতে গঠিত ২০০ কোটি টাকার পুন:অর্থায়ন স্কীমের আওতায় প্রদত্ত ঋণ এবং অন্যান্য ঋণ উল্লেখযোগ্য। এসকল হিসাবে বিতরণকৃত ঋণের পরিমাণ ২৭০.৪১ কোটি টাকা।
- জুন, ২০১৮ ত্রৈমাসিক পর্যন্ত ২৫,১৩৮টি হিসাবে বৈদেশিক রেমিট্যান্স জমা হয়েছে এবং এসব হিসাবে জমার পরিমাণ প্রায় ৭৮.২৩ কোটি টাকা।

স্কুল ব্যাংকিং হিসাবের ৩০ জুন, ২০১৮ ভিত্তিক ত্রৈমাসিক অগ্রগতি প্রতিবেদন।

আর্থিক অন্তর্ভুক্তি কার্যক্রমের অন্যতম একটি পদক্ষেপ হল স্কুল ব্যাংকিং। বিভিন্ন শিক্ষা প্রতিষ্ঠানের ১৮ বছরের কম বয়সের শিক্ষার্থীদের ব্যাংকিং সেবা ও আধুনিক ব্যাংকিং প্রযুক্তির সাথে পরিচিত করার পাশাপাশি সঞ্চয়ের অভ্যাস গড়ে তোলার উদ্দেশ্যে এ কর্মসূচী গ্রহণ করা হয়েছে। অর্থনৈতিক কর্মকাণ্ডে কোমলমতি ছাত্র-ছাত্রীদের অংশগ্রহণের মাধ্যমে তাদেরকে দেশের আর্থিক সেবার আওতায় নিয়ে আসা হলো স্কুল ব্যাংকিংয়ের লক্ষ্য। স্কুল ব্যাংকিং কার্যক্রম সম্প্রসারণের লক্ষ্যে বাংলাদেশ ব্যাংক ০২ নভেম্বর ২০১০ তারিখের বিআরপিডি সার্কুলার লেটার নং-১২ এর মাধ্যমে সর্বপ্রথম সকল তফসিলি ব্যাংককে নির্দেশনা প্রদান করে। পরবর্তীতে ২৮ অক্টোবর ২০১৩ তারিখের জিবিসিএসআরডি সার্কুলার নং-০৭ এর মাধ্যমে স্কুল ব্যাংকিংয়ের পূর্ণাঙ্গ নীতিমালা এবং ০৯ এপ্রিল ২০১৫ তারিখের জিবিসিএসআরডি সার্কুলার নং-৩ এর মাধ্যমে নির্ধারিত ছকে স্কুল ব্যাংকিং কার্যক্রমের ত্রৈমাসিক প্রতিবেদন প্রেরণের নির্দেশনা জারী করা হয়েছে।



স্কুল ব্যাংকিং কার্যক্রম জনপ্রিয় করার জন্য নীতিমালার আলোকে ব্যাংকগুলো ন্যূনতম ১০০ টাকা জমা গ্রহণের মাধ্যমে শিক্ষার্থীদের ব্যাংক হিসাব খুলছে। এছাড়াও ব্যাংক হিসাবে আকর্ষণীয় মুনাফা প্রদান, সার্ভিস চার্জ গ্রহণ না করা, এটিএম/ডেবিট কার্ড প্রদানসহ বিভিন্ন বিশেষ সুবিধা প্রদান এবং স্কুল কেন্দ্রিক আর্থিক শিক্ষা কার্যক্রম পরিচালনা করার মাধ্যমে বিভিন্ন স্কুল ব্যাংকিং কার্যক্রমের প্রসার ঘটছে। ৩০ জুন, ২০১৮ তারিখ পর্যন্ত সর্বমোট ১৫,৩৯,৮৩৬ টি স্কুল ব্যাংকিং হিসাব খোলা হয়েছে। উক্ত হিসাবসমূহের বিপরীতে মোট জমা হয়েছে ১৪১৯.৮৬ কোটি (এক হাজার চারশত উনিশ কোটি ছিয়াশি লক্ষ) টাকা। বাংলাদেশে কার্যরত ৫৭টি তফসিলি ব্যাংকের মধ্যে ৩০ জুন, ২০১৮ তারিখ পর্যন্ত মোট ৫৬ টি ব্যাংক স্কুল ব্যাংকিং কার্যক্রম পরিচালনা করছে। ৩০ জুন, ২০১৮ ত্রৈমাসিক ভিত্তিতে স্কুল ব্যাংকিং হিসাবের তুলনামূলক বিবরণ নিম্নে তুলে ধরা হলো:

	পল্লী শাখা		শহর শাখা		মোট
	ছাত্র	ছাত্রী	ছাত্র	ছাত্রী	
ব্যাংক হিসাব (সংখ্যা)	৩৩২,৬৫২	২৬৪,৭৯৬	৫৬১,১৪১	৩৮১,২৪৭	১,৫৩৯,৮৩৬
স্থিতি (কোটি টাকায়)	১৮৫.৯০	১৪৩.৭৬	৫৯০.৮৯	৪৯৯.৩১	১৪১৯.৮৬

ছক-১: ৩০ জুন, ২০১৮ ভিত্তিক স্কুল ব্যাংকিং এর আওতায় খোলা ব্যাংক হিসাবের বিস্তারিত তথ্য

- শহরাঞ্চল এবং গ্রামাঞ্চলের উপর ভিত্তি করে জুন, ২০১৮ ত্রৈমাসিকের স্কুল ব্যাংকিং চিত্র নিম্নে উপস্থাপন করা হলোঃ

	গ্রামাঞ্চল		শহরাঞ্চল		মোট
	মোট	শতাংশ	মোট	শতাংশ	
ব্যাংক হিসাব (সংখ্যা)	৫৯৭,৪৪৮	৩৮.৮০%	৯৪২,৩৮৮	৬১.২০%	১,৫৩৯,৮৩৬
স্থিতি (কোটি টাকায়)	৩২৯.৬৫	২৩.২২%	১০৯০.২১	৭৬.৭৮%	১,৪১৯.৮৬




তথ্য পর্যালোচনায় দেখা যায় যে, গ্রামাঞ্চলের ব্যাংক শাখার মাধ্যমে খোলা স্কুল ব্যাংকিং হিসাবের তুলনায় শহরাঞ্চলের ব্যাংক শাখার মাধ্যমে খোলা স্কুল ব্যাংকিং হিসাবের সংখ্যা প্রায় ৫৭.৭৩% বেশী। ব্যাংকে জমার ক্ষেত্রে গ্রামাঞ্চলের তুলনায় শহরাঞ্চলের জমার পরিমাণ প্রায় ২৩১% বেশী। অর্থাৎ শহরাঞ্চলের তুলনায় গ্রামাঞ্চলে স্কুল ব্যাংকিং এর মাধ্যমে আর্থিক অন্তর্ভুক্তির হার কম।

ফাইন্যান্সিয়াল ইনক্লুশন ডিপার্টমেন্ট

- ছাত্র এবং ছাত্রীর উপর ভিত্তি করে জুন, ২০১৮ ত্রৈমাসিকের স্কুল ব্যাংকিং চিত্র নিম্নে উপস্থাপন করা হলো:


	ছাত্র		ছাত্রী		মোট
	মোট	শতাংশ	মোট	শতাংশ	
ব্যাংক হিসাব (সংখ্যা)	৮৯৩,৭৯৩	৫৮.০৪%	৬৪৬,০৪৩	৪১.৯৬%	১,৫৩৯,৮৩৬
স্থিতি (কোটি টাকায়)	৭৭৬.৭৯	৫৪.৭১%	৬৪৩.০৭	৪৫.২৯%	১৪১৯.৮৬



- ব্যাংকের ধরণের উপর ভিত্তি করে বিগত চার ত্রৈমাসিকের ব্যাংক হিসাব খোলার তুলনামূলক চিত্র নিম্নে দেয়া হলো:

ব্যাংকের ধরণ	হিসাব সংখ্যা				শেষ ত্রৈমাসিকে হিসাব সংখ্যার হ্রাস/বৃদ্ধি
	সেপ্টেম্বর, ২০১৭	ডিসেম্বর, ২০১৭	মার্চ, ২০১৮	জুন, ২০১৮	
রাষ্ট্রীয় মালিকানাধীন বাণিজ্যিক ব্যাংক	৪,০৭,৫৯৮	৪,২৪,৩৩০	৪,২৮,০৬৮	৪,৩৬,০০১	১.৮৫%
বিশেষায়িত ব্যাংক	১,৩১,২৩৯	১,৩৮,৬৫৭	১,৩০,৫৪১	১,২৭,৯৫৭	(২.০১%)
বেসরকারি বাণিজ্যিক ব্যাংক	৮,৪৬,৮৬৪	৮,৮৮,৯৫৬	৯,০০,৯৩৬	৯,৭৩,৬১৮	৮.০৬%
বিদেশী বাণিজ্যিক ব্যাংক	১,৯১৬	১,৯৯৩	২,৩১৫	২,২৬০	(২.৪৩%)
সর্বমোট	১৩,৮৭,৬১৭	১৪,৫৩,৯৩৬	১৪,৬১,৮৬০	১,৫৩৯,৮৩৬	৫.৩৩%

ছক-৬: ৩০ সেপ্টেম্বর, ২০১৭, ৩১ ডিসেম্বর ২০১৭, ৩১ মার্চ, ২০১৮ এবং ৩০ জুন, ২০১৮ ভিত্তিক স্কুল ব্যাংকিং হিসাবের ব্যাংকের ধরণ অনুযায়ী তথ্য




ছক-৬ এর তথ্য অনুসারে স্কুল ব্যাংকিং এর আওতায় ৩০ সেপ্টেম্বর, ২০১৭ পর্যন্ত ৫৬টি ব্যাংকে খোলা মোট হিসাবের সংখ্যা ছিল প্রায় ১৩.৮৭ লক্ষ। অন্যদিকে ৩০ জুন ২০১৮ তারিখ পর্যন্ত ৫৬ টি ব্যাংকে হিসাবের সংখ্যা ১,৫২,২১৯টি বৃদ্ধি পেয়ে দাঁড়িয়েছে প্রায় ১৫.৩৯ লক্ষ। ০৯টি বিদেশী ব্যাংকের মধ্যে ০৮টি ব্যাংক (সিটিব্যাংক এন.এ. ব্যতীত) স্কুল ব্যাংকিং হিসাব পরিচালনা করছে। বিদেশী ব্যাংকগুলোয় খোলা স্কুল ব্যাংকিং হিসাব সংখ্যা ২,২৬০টি যা সর্বনিম্ন।

ফাইন্যান্সিয়াল ইনক্লুশন ডিপার্টমেন্ট

- ব্যাংকের ধরণ অনুযায়ী স্কুল ব্যাংকিং হিসাব এবং স্থিতির সার্বিক চিত্র:

ব্যাংকের ধরণ	৩০ জুন, ২০১৮ পর্যন্ত			
	স্কুল ব্যাংকিং হিসাব সংখ্যা	শতাংশ	ব্যাংক হিসাবে স্থিতি(কোটি টাকা)	শতাংশ
রাষ্ট্রীয় মালিকানাধীন বাণিজ্যিক ব্যাংক	৪,৩৬,০০১	২৮.৩১%	১৭৯.৫৩	১২.৬৪%
বিশেষায়িত ব্যাংক	১,২৭,৯৫৭	৮.৩১%	২৬.৪৩	১.৮৬%
বেসরকারি বাণিজ্যিক ব্যাংক	৯,৭৩,৬১৮	৬৩.২৩%	১১৯৯.৯০	৮৪.৫০%
বিদেশী বাণিজ্যিক ব্যাংক	২,২৬০	০.১৫%	১৪.০০	০.৯৮%
সর্বমোট	১,৫৩৯,৮৩৬	১০০.০০%	১৪১৯.৮৬	১০০.০০%

ছক-৫: ব্যাংকের ধরণ অনুযায়ী স্কুল ব্যাংকিং হিসাব এবং স্থিতির সার্বিক চিত্র



ব্যাংকের ধরণ অনুযায়ী স্কুল ব্যাংকিং হিসাবের চিত্র

ব্যাংকের ধরণ অনুযায়ী স্কুল ব্যাংকিং হিসাবে স্থিতির চিত্র

স্কুল ব্যাংকিং এর আওতায় ৩০ জুন ২০১৮ তারিখ পর্যন্ত বেসরকারী বাণিজ্যিক ব্যাংকে ৯,৭৩,৬১৮টি (৬৩.২৩%) স্কুল ব্যাংকিং হিসাবে ১১৯৯.৯০ কোটি টাকা (৮৪.৫০%) ব্যাংক স্থিতি ছিল। অর্থাৎ বেসরকারী ব্যাংক হিসাবসমূহে জমার প্রবাহ সংখ্যার থেকে বেশী ছিল। অন্যদিকে রাষ্ট্রীয় মালিকানাধীন ব্যাংকসমূহে ৪,৩৬,০০১টি (২৮.৩১%) ব্যাংক হিসাবের বিপরীতে মোট স্থিতি ছিল ১৭৯.৫৩ কোটি টাকা (১২.৬৪%) অর্থাৎ ব্যাংক হিসাবের তুলনায় জমার প্রবাহ কম।

- স্কুল ব্যাংকিং হিসাব সংখ্যা ও স্থিতিতে শীর্ষ ব্যাংক :

শীর্ষ ০৫ ব্যাংকের হিসাব সংখ্যা			
ক্রম	ব্যাংকের নাম	হিসাব সংখ্যা	মোট হিসাবের শতকরা হার
১	ইসলামী ব্যাংক বাংলাদেশ লি.	২,৪৪,৫৪৬	১৫.৮৮%
২	ডাচ-বাংলা ব্যাংক লি.	২,১৪,৭৬৪	১৩.৯৫%
৩	অগ্রণী ব্যাংক লিমিটেড	১,৯৪,৭৬৬	১২.৬৫%
৪	রাজশাহী কৃষি উন্নয়ন ব্যাংক	১,২৭,৯৫৭	৮.৩১%
৫	উত্তরা ব্যাংক লিমিটেড	৮৫,৩৮৭	৫.৫৫%

শীর্ষ ০৫ ব্যাংকের স্থিতি			
ক্রম	ব্যাংকের নাম	স্থিতি (কোটি টাকায়)	মোট স্থিতির শতকরা হার
১	ডাচ-বাংলা ব্যাংক লি.	৪২৪.৯৫	২৯.৯৩%
২	ইসলামী ব্যাংক বাংলাদেশ লি.	১৩৭.৯৫	৯.৭২%
৩	ইস্টার্ন ব্যাংক লি.	১১৬.৭৯	৮.২৩%
৪	ইউনাইটেড কমার্শিয়াল ব্যাংক লি.	৭৫.৪৩	৫.৩১%
৫	রূপালী ব্যাংক লি.	৬৮.৯২	৪.৮৫%

ছক-৪: ৩০ জুন ২০১৮ ভিত্তিক শীর্ষ পাঁচ ব্যাংকের হিসাব সংখ্যা ও হিসাবে স্থিতির তথ্য

স্কুল ব্যাংকিং হিসাবসমূহের সার্বিক মূল্যায়ন :

স্কুল ব্যাংকিং কার্যক্রমের পরিধি বৃদ্ধি পাওয়ায় স্কুল ব্যাংকিং হিসাব সংখ্যা বৃদ্ধি পাচ্ছে। সেপ্টেম্বর, ২০১৭ ত্রৈমাসিকে ব্যাংক হিসাব এবং স্থিতির পরিমাণ ছিল যথাক্রমে ১৩,৮৭,৬১৭টি এবং ১২৫৪.২৩ কোটি টাকা। অপরদিকে জুন, ২০১৮ ত্রৈমাসিকে হিসাব সংখ্যা ১,৫৩৯,৮৩৬ টি এবং এসব হিসাবে স্থিতির পরিমাণ ১৪১৯.৮৬ কোটি টাকা। সংখ্যা ও স্থিতির দিক থেকে বেসরকারী ব্যাংকের অবদান সবচেয়ে বেশী। বেসরকারী ব্যাংকসমূহ মোট ৯,৭৩,৬১৮টি ব্যাংক হিসাব খুলেছে যা মোট স্কুল ব্যাংকিং হিসাবের ৬৩.২৩% এবং এসব হিসাবের বিপরীতে ১১৯৯.৯০ কোটি টাকা আমানত সংগ্রহ করেছে যা স্কুল ব্যাংকিং হিসাবের মোট স্থিতির ৮৪.৫০%। রাষ্ট্রীয় মালিকানাধীন বাণিজ্যিক ব্যাংকসমূহ ২৮.৩১% স্কুল ব্যাংকিং হিসাব খুললেও মোট স্থিতির মাত্র ১২.৬৪% তারা সংগ্রহ করেছে। ইসলামী ব্যাংক বাংলাদেশ লি. সর্বোচ্চ সংখ্যক অর্থাৎ ২,৪৪,৫৪৬টি হিসাব খুলেছে যা মোট হিসাবের ১৫.৮৮%। ডাচ-বাংলা ব্যাংক লিমিটেড স্থিতির ভিত্তিতে শীর্ষে অবস্থান করেছে। তাদের সংগৃহীত আমানত প্রায় ৪২৪.৯৫ কোটি টাকা যা মোট স্থিতির ২৯.৯৩%।

ফাইন্যান্সিয়াল ইনক্লুশন ডিপার্টমেন্ট

ব্যাংকসমূহে পথশিশু ও কর্মজীবী শিশু/কিশোরদের ব্যাংকিং সেবা প্রদানের ৩০ জুন ২০১৮ ভিত্তিক ত্রৈমাসিক অগ্রগতি প্রতিবেদন।

পথশিশু ও কর্মজীবী শিশু/কিশোরদের ব্যাংকিং সেবার আওতায় এনে তাদের উপার্জিত অর্থের নিরাপদ সঞ্চয়ের সুযোগ সৃষ্টি করার লক্ষ্যে বাংলাদেশ ব্যাংক ০৯ মার্চ ২০১৪ তারিখের বিআরপিডি সার্কুলার নং-০৫ এর মাধ্যমে ব্যাংকসমূহকে নির্দেশনা প্রদান করে। পরবর্তীতে ০৯ এপ্রিল ২০১৫ তারিখের জিবিসিএসআরডি সার্কুলার নং-০৩ এর মাধ্যমে পথশিশু ও কর্মজীবী শিশু/কিশোরদের হিসাবসমূহে ত্রৈমাসিক ভিত্তিতে মোট জমা এবং উত্তোলনের বিবরণী সংশ্লিষ্ট ব্যাংক কর্তৃক প্রতি ত্রৈমাসিক শেষে পরবর্তী মাসের মধ্যে প্রেরণ করার নির্দেশনা প্রদান করা হয়। কর্মজীবী শিশু/কিশোরদের নিয়ে কাজ করে এমন এনজিওর সম্পৃক্ততায় এ ধরনের ব্যাংক হিসাব খোলা হয়। অন্যান্য ১০ টাকার হিসাবের ন্যায় এসকল ব্যাংক হিসাব হতেও কোন সার্ভিস চার্জ গ্রহণ করা হয়না।

ব্যাংকসমূহ হতে প্রাপ্ত তথ্যের ভিত্তিতে ৩০ জুন ২০১৮ ভিত্তিক পথশিশু ও কর্মজীবী শিশু/কিশোরদের ব্যাংক হিসাবের হালনাগাদ তথ্য নিম্নের ছকে তুলে ধরা হলো:

ক্রম	ব্যাংকের নাম	এনজিওর নাম ও ঠিকানা	চলতি ত্রৈমাসিকে খোলা হিসাবের সংখ্যা	মোট পুঞ্জীভূত হিসাব সংখ্যা	পুঞ্জীভূত স্থিতি (হাজার টাকায়)
১	সোনালী ব্যাংক লিমিটেড	উদ্দীপন, মোহনপুর, রাজশাহী	০	৪	৪
২	জনতা ব্যাংক লিমিটেড	ইবিসিআর প্রকল্প	০	১৫০	৭৫
৩	অগ্রণী ব্যাংক লিমিটেড	উদ্দীপন, শূনাগরী, বাঁশখালী, চট্টগ্রাম	৬	৩৪১	৫৯.৭৩
৪	রূপালী ব্যাংক লিমিটেড	সোসাইটি ফর আনপ্রিভিলাইজড ফ্যামিলি, মাসাস, অপরাজেয় বাংলাদেশ	০	৯৭৩	১০৮০.৩৬৬
৫	বাংলাদেশ ডেভেলপমেন্ট ব্যাংক লিমিটেড	ব্র্যাক, সদর, হবিগঞ্জ	০	৮০	১৩
৬	বাংলাদেশ কৃষি ব্যাংক	উদ্দীপন, বাইপাস রোড, পিরোজপুর	০	১৬৩	৩৬
৭	ব্যাংক এশিয়া লিমিটেড	অপরাজেয় বাংলাদেশ, ব্র্যাক, উদ্দীপন	০	১৯১	২০৮.১১৬
৮	মার্কেটাইল ব্যাংক লিমিটেড	অপরাজেয় বাংলাদেশ, এইড বাংলাদেশ, মানব সেবা সামাজিক উন্নয়ন সংস্থা,	০	২৪৭	১৫৮.০৯৬
৯	মিউচুয়াল ট্রাস্ট ব্যাংক লিমিটেড	এএসডি	৩	৪৩	১.১
১০	ন্যাশনাল ব্যাংক লিমিটেড	সিপিডি	০	১৯	১৩
১১	সোশ্যাল ইসলামী ব্যাংক লিমিটেড	বাংলার পাঠশালা, এসইএফ, ঘাসফুল	২১৯	১০৩৮	৮২২.০৫
১২	ওয়ান ব্যাংক লিমিটেড	সাজিদা ফাউন্ডেশন, প্রদীপন	০	২২৬	১৯২.৭৬
১৩	পূবালী ব্যাংক লিমিটেড	ব্র্যাক, অপরাজেয় বাংলাদেশ, নারী মৈত্রী, উদ্দীপন	৭৭	৫৪৪	৪০০
১৪	দি সিটি ব্যাংক লিমিটেড	প্রদীপন	০	১৫৪	১৮০
১৫	ট্রাস্ট ব্যাংক লিমিটেড	মাসাস	০	২৮০	৯৫
১৬	আল-আরাফাহ ইসলামী ব্যাংক লিমিটেড	এএসডি, উদ্দীপন	০	৭৫	৩১.৪৩
১৭	উত্তরা ব্যাংক লিমিটেড	পরিবর্তন	০	৭৬	৫.২
১৮	প্রাইম ব্যাংক লিঃ	ব্র্যাক, খুলনা	০	৬০	৬
১৯	ডাচ-বাংলা ব্যাংক লিঃ	এডুকেশন এন্ড ডেভেলপমেন্ট ফাউন্ডেশন(মোহাম্মদপুর)	০	২০	৪.২২
	সর্বমোট	১৫টি	৩০৫	৪,৬৮৪	৩৩৮৫.০৬৮

পর্যালোচনা:

৩০ জুন, ২০১৮ পর্যন্ত তালিকায় বর্ণিত ১৯টি ব্যাংক ১৫টি NGO (মাসাস, সাফ, উদ্দীপন, অপরাজেয় বাংলাদেশ, ব্র্যাক, নারী মৈত্রী, সিপিডি, প্রদীপন, সাজিদা ফাউন্ডেশন, এএসডি, বাংলার পাঠশালা, ইবিসিআর প্রকল্প, ঘাসফুল, এডুকেশন এন্ড ডেভেলপমেন্ট ফাউন্ডেশন ও পরিবর্তন) এর সহায়তায় পথশিশু ও কর্মজীবী শিশু-কিশোরদের মোট ৪,৬৮৪টি হিসাব খুলেছে। পূর্ববর্তী ত্রৈমাসিকে এ হিসাবের সংখ্যা ছিল ৪,৩৮১টি। জুন, ২০১৮ ত্রৈমাসিকে ৩০৫টি নতুন হিসাব খোলা হয়েছে। উল্লেখ্য, জুন, ২০১৮ ত্রৈমাসিকে রূপালী ব্যাংক লি: এবং ব্যাংক এশিয়া লি: এ খোলা ২জন কর্মজীবী শিশু-কিশোরের সম্মতিক্রমে সংশ্লিষ্ট এনজিওর সহায়তায় তাদের ব্যাংক হিসাব বন্ধ করা হয়েছে। কর্মজীবী শিশু কিশোরদের খোলা ব্যাংক হিসাবে মোট স্থিতির পরিমাণ প্রায় ৩৩.৮৫ লক্ষ (তেরিশ লক্ষ পঁচাত্তর হাজার) টাকা। ৩০ জুন ২০১৮ পর্যন্ত রূপালী ব্যাংক লি. ৯৭৩ টি হিসাবের বিপরীতে ১০.৮০ লক্ষ (দশ লক্ষ আশি হাজার) টাকা জমা করে স্থিতির ভিত্তিতে শীর্ষ অবস্থানে রয়েছে। সোশ্যাল ইসলামী ব্যাংক লি. ১০৩৮ টি হিসাব খুলেছে এবং এই হিসাবগুলোতে প্রায় ৮.২২ (আট লক্ষ বাইশ হাজার) লক্ষ টাকা জমা করে মোট হিসাব সংখ্যার ভিত্তিতে শীর্ষ অবস্থানে রয়েছে।